

ΕΤΦΗΜΙΣΜΟΣ ΓΑΜΙΚΟΣ,

Panegyri Nuptiarum,

VIRI CL.

7

DN. M. FRIDERICI VICCI,

Poëtæ Laur. Cæsarei,

Gymnasii Vratisl. Mar. Magdalenæi Con-Rect.

& Profesi. Solertissimi,

PRÆCEPTORIS Honoratissimi;

Et

Virginis Lectissimæ Amabilissimæq;

MARIÆ,

VIRI Reverendi, Humanissimi & Doctissimi

DN. COELESTINI SCHROEERI,

in Suburbio ad S. Salvatoris Ecclesiastæ Fidelisf.

& Gymnasii Vratisl. Elisabeth. Collegæ primarii,

Filiæ Florentissimæ,

Anno clō Ioc LIX. Novembr. IV. celebrandæ,

Observantiæ & Honoris ergò,

nomine Symmachorum omnium,

Primi Ordinis Gymnasii Ejusdem p. t. Infesorum,

à duplicatâ Heptadæ,

unâ DECURIONUM, SUBDECURIONUM alterâ,

consecratus.

Vratislavia, Typis Baumannianis exprimebat Gottfried Gründer.



I quid inest Votis , si Fatis , *Sponse* , *jugales*
 Haud frustra *Tædas bella Puella* subicit.
 Nam Te *Victorem* celebrat, quem *Myrtus*
amoris

Ornat, & ex *Oleâ* Munere donat *Eros*.

Inter *victrices Laurus* quem docta *Camœna* ,
 Quem *resonis metris Pancharis alma* canit.
 Eugè ! Triumphet *Amor Victor* ! *Sponsusq;* triumphet ,
 In *cujus casces Præda* petita cadit !

Vicit *Amor Nympham* : *VICCI* , Te vicit *amantem* ,
 Qui *MARIAM* , *Victor* vincis *amore tuam* .

Victorum , & porrò *Vincentum Corcula* , *Pacis*
Vinciat æternum , *servet* , *honoret* , *Amor* !

Sic succedet *Amor* : Sic *Bellum* cedit *amarum* :
Melleus in *MARIA* fiet *amaror Amor* .

CAROLUS STANISLAUS Teutschmann/
 Vratislaviensis.


Gemma velut multum decorat , commendat & Arrham ,
 Et sæpè hæc illâ precio majore paratur :

Sic quoq; Nubentum Pietas Probitasq; jugalem
 Exornat vitam. Nec enim præstantior ulla

Gemma est , quam Virtus. Adamas huic atq; Pyropus
 Cum pulchrâ cedit Sapphiro , cumq; Hyacintho.

Ergo cum Sponso detur Virtutibus aucta

Tam pulchris ; Gemmâ SCHROEERIA pulcrior omni
 Sponsula ;



*Sponsula ; cūm Sponsa detur Virtutibus auctus ,
Et quem dant Musa Cultoribus , auctus Honore
Sponsus ; sincero de pectore grator utriq̄ ,
Paucis digna precans præclaris præmia Factis .*

GODOFREDUS STIRIUS ,
Winzigienſis .

Juvare plurimos feri Brabea Martis ;
Sonumq̄ ; tympani movere gaudia ;
Trabemq̄ ; Cypriam referre præmia
Gregi Lucrantium ; frui labore partis ;
Et hinc Genus sequi , quod est minoris Artis ,
Videmus : Ast tamen venusta Gloria ,
Decusq̄ ; Laureum , simulq̄ ; munia
Sat ampla præstò sunt , catis parata chartis ,
Et ista **VICCIUS** Magister arte Clarus ,
Poëta Lauriger , Scientiæq̄ ; Gnarus ,
Didascalus bonus , Brabea possidet .
Datur sed insuper Virago non amara ,
Licet **MARIA** sit . Proin , Marita chara
Sit hæc Viro , diuq̄ ; complacens amet !

DAVID GERLACHIUS ,
Smigla Polonus .

MARIA SCHROEERIA .

Per anagr .

Amori chara eris .

Nomen amara notat Clari Sponsa optima **VICCI** :
Dispare sic Sensu Nomen & Omen erunt .

*Lectus amari vult Socius, nil sentit amari,
Sint licet interdum felle repleta domi.*

*Sponsa MARIA, tuo Sponso Tu semper Amori,
Melq³ merum, & prorsus chara Amaryllis eris.*

CHRISTOPHORUS *Wilde/*
Winzigensis.

VICCI, phœbææ decus immortale coronæ,
O dulce sidus, faxq; pectoris mei,
Num Phœbus Venus est? Lactat nutricula prolem.
Pallas, cataq; vagitibus strepit Lyra?
Fœcundas, scimus, cunas vitare Minervam,
Et litigantes per cubile fœminas.
Nec Regina Cypri supplex confedit ad aras
Mavortis, hastâ spiculisq; splendida.
Res mutant. Myrto jungit se mascula Laurus:
Quod Ipse victus approbas Puellulâ.
Concors dislidium! Nunquam discordibus armis
Quærenda Pax arcum gravet Cupidinis!
Sit Phœbus Veneris conjux: sit dulce Librorum.
Et Liberorum perpetim Consortium!

CHRISTOPHORUS FRIDERICUS CASELIUS,
Winzigensis.

Quis novus Aonias penetravit Rumor ad ades?
In thalamum VICCI SCHROEERIANA venit.
Nobile Par! Ingens illum doctrina celebrat:
Hanc Pietas. Habitat Phœbus in ade Jovis.
Nobile Par! Muse jungit se suavis Apollo;
Huic iterum jungit se nova Musa Viro.

Ferte

Ferte citi Naptis pia vota recentibus omnes,
Quos vestri Phœbi laus jurvat. Ipse fero.
Spinea frons frontem cingit, quernæq; coronant
Glandes, dum cunas offero pane graves.
Inveni, dicens, meliora malumq; reliqui.
SPONSE, reliquisti, SPONSAq;, triste malum.
At invenistis, quæ sunt meliora. Capessis
SPONSE, tuam SPONSAM; SPONSA, tuumq; VIRUM.
En! Panis spondet Vobis meliora. Quid ergo
Glandes & Spinæ? Vos Bona mille manent.

DANIEL SPIGELIUS,
Vratislaviensis.

Magister Fridericus Viccius,

Per Dialogismum Neonymphorum, ex Anagrammate:

Faris civi, succum gerit. Rides.

Quid faris, mea Sponsa, boni? Me Mater Amorum
Asociat placita conditione Viro:
Civi Castalidum sociat, cui tempora Lauru
Semper vivaci cinxit Acerse comes,
Hujus adesce Ceres tædis amat; Illa suavem
Frugum jam succum, mitia dona, gerit.
Hujus amat tædas quoq; Dirces mitis alumnus:
Namq; suum succum, Masfica vina, gerit.
Læta idè rides? Quin Mecum corde precare:
Da Bona; da Thalami Gaudia mille, DEUS!

SAMUEL WERNERUS,
Fraustadio-Polonus.

Connubiale jugum spernunt, quos subdola Circe
Decipit, aut veritæ Cypridos ignis habet.
Sed Tu, Thespiadum Cultor, connubia laudas
Casta; quibus quondam Thais abusa fuit.
Hinc Sociam vitæ Tibi dat; Pietate Sabinas,
Penelopen vincit quæ Probitate, DEUS,
Bina cui Tyrio sunt picta Labella colore,
Hyblæoq; loquens Lingva liquore fluit.
Hanc cupidis ulnis amplexus, amansq; cupitam;
Dante DEO, sanctè quod cupis, omne cape!

DAVID Schubert/Grünbergensis.

L Aurigeri quoudam Vatis cata Verba leguntur:
Si qua voles aptè nubere, nube pari!
Scilicet asseruit, quod, cum conjungere verum est
Sponsos, jungat Copula fausta pares.
Exemplum poscis? Par nobile præbet idipsum,
Quod par felici sidere jungit Amor.
Corripuit pariles Mentis castissimus Ardor;
Atq; pio Probitas copulat ipsa Parem,
Felices pariter felicia Secula vivant,
Et paria æquiparent Pignora sæpè Pares!

GODOFREDUS Bischof/Neagoræus.

ET mea Vota aliis liceat conjungere Votis,
Dum venit in Thalamum, Sponse, Marita tuum.
Sponsa MARIA venit, VICCI, Tibi, Gloria Pindi:
Curatura Domum fida Marita venit.
Non Te, non terret Nomen, quod signat Amaror.
Nam quid Amaroris blanda MARIA ferat?

Dulcis

Dulcis amor Sociæ dulcabit amara *MARIÆ*,
Quam placuit Votis expetiisse piis.
Hoc Tibi Delicium tolerandæ tædiæ Vitæ
Discutiens, Animo gaudia mille feret.
Hæc comite expediet felici tendere gresu,
Quò promissa Fides, quò pia Vota vocant.
Quare, qui junxit Vos, continuatus ad annos,
Mutuus extremos, usq; perennet Amor!
Usq; perennet Amor: Nec Vobis exera tantum,
Quin interna simul det Bona, cæles Amor!
Auctet & optatâ faustos Vos Prole Parentes,
Quæ referant *MATREM* Dote, *PATREM*q; Animi!
SAMUEL Lehmann / Züllichienſis.

EN, *VICCI*, textis Hymenæus tempora fertis
Condecoratus adest, nec nisi lata ferens!
Ecquid ego indè feram? Calidos ex corde precatûs
Fundito, quò cœptis det Bona quæq; *DEUS*.
Gluten amicitiaë firmum, Concordia; Vestro
Assideat semper mente favente Toro.
Nec, nisi sera Manus Lachesis divellat Amores;
Si quid in hos Lachesis frivola juris habet.
MICHAEL ANDRÆ, Züllichienſis.

PEgafides Divæ, blandarum prima Sororum
Palithee, natæ de Genitore Jove,
Harmoniaë faciles, Cadmiq; , Hymenæa frequentant,
Metra mari lituo, non moritura, canunt.
Numina sic Divûm socios venerantur Amores,
Tot Divas studiis qui coluète *VIRÛM*.

Talis

Talis Apollineæ Decus immortale Cohortis,
Turba cupit Tædæ metra sacrare tuæ.
Verùm Hederæ sine Honore virent; sine divite Venâ
Sedulitas nostra est, Ingeniumq; rude.
Laudabit Thalamum generosa Camena Virorum:
Vota, Precesq; Toro nostra Thalia feret.
Nutu divino clementis Gratia Cœli
Confirmet vestri Jus sociale Tori!

ESAIAS GOSKY, Winzigiensis.

PLaudite! Conjugii Fautor Par nobile junxit.
VICCIUS est Sponsus: Plaudite Magdalides!
Cernite VICCIADEN, quo non felicior alter!
Felicem Sponsum, cernite VICCIADEN!
Huic pia Sponsa venit, nec Dotis amabilis expers:
Sponsa venusta venit, Sponsa pudica venit.
Et Sponsa Sponsus venit omni dignus Honore;
Dignus amore tuo, Sponsa, favore tuo.
Nobile Par! Vestros, qui junxit, servet Amores,
Mens una ut longum sitis, & una Caro!

FRIDERICUS COLERUS, Vratislaviensis.

QUo maclabo tuas, Sponse optime, munere tædas?
An Voto? Votum mente favente dabo.
Pace Domus, Gnatis Thalamus succrescat, in ævum,
Et colat usq; suum Te tua Juno Jovem.

JOHANNES HENRICUS LAURENTIUS,
Freibergensis.

